

Das dritte Capitel.

25

reiffung der Gebäw/ vnd Entwerffung vnd Abreiffung eines Feldlagers gebraucht wird.

V. Das künstlichste aber vnd das fürtreffliche Uhrwerck für das fünffte/in der Welt ist dieses/ als in Europa vnd bey vns in Teutschland/ so auß Metall/ Stahel vnd Eysen/ gleich auß Göttlichem eingeben / mit zacketen vnd zackerichten Rädern zusammen geschmiedet vnd gemacht wird/ dessen lebendiger bewegender Geist im grossen vnd groben Uhrwerck gleichsam ist das Gewicht/ von Eysen/ Bley oder Stein/ solchem inn gewisser schwere angehängt/ im kleinern Uhrwerck aber/ so man von einem ort zum andern gar wol vnd leichtlich tragen/ wie dann auch in den kleinern Uhlein/ so man an den Hals / oder sonst in der Stuben mit dem Band an einen Nagel hengen thut / wie bey grossen Herren vnd fürnehmen Personen zu sehen/ ist die inwendige Feder / auch in gewisser stärke/ welches beydes dann/ nämlich das Gewicht/ vnd die Feder das ganze Uhrwerck von unten an bis oben / also moviret, bewegt vnd treibt/ das solches mit seinem außwendigen Zeiger an der Uhrtafel/ die Stunden des Tags nicht allein durch die Zahlen 1. 2. 3. 4. ꝛc. an solcher weiset vnd zeigt/ sondern auch durch den Glockenschlag vnd Stränch mit gewissen Streichen vermeldet: Also zwar/ das man auch von fernem eines Thurns/ in einer Stadt oder Dorff/ darauff ein solches Automatum, das ist/ ein solches künstliches/ selbst gehendes vnd schlagendes Uhrwerck gestellet ist / auch bey der tuncckeln vnd finstern Nacht/ vmb welche Zeit oder Stunde es ist / oder wieviel es geschlagen/ wissen vnd erfahren mag/ wil geschweigen/ das nach diesem beydes Burger vnd Bauern/ in Städten vnd Dorffern/ in ihren Berrichtungen vnd Geschäften/ Handwercken/ Handthierungen vnd Gewerben/ bey Tag vnd Nacht sich richten können. Ja/ das auch noch mehr ist/ offtermals auff dem Feld rānsende Personen/

D bey ey=